



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R.P. Clavdii Aqua-Vivae Societatis Iesv Præpositi  
Generalis V. Meditationes In Psalm. 44. et 118**

**Acquaviva, Claudio**

**Coloniæ Ubiorum, 1616**

93 In æternum non obliuiscar iustificationes tuas: quia in ipsis viuificasti  
me.

[urn:nbn:de:hbz:466:1-50645](https://nbn-resolving.org/urn:nbn:de:hbz:466:1-50645)

Sed meditatione ex animo.

potest. Lex tua, delectatio mea est, deliciae meae, suauitates meae. Quod una vox latine exprimere non potest, expressit hebraea. Si haec omnia iungantur simul, satis apparet, qualem oportet esse meditationem legis tuae, ne in humilitate nostra pereamus.

93 In aeternum non obliuiscar iustificationes tuas: quia in ipsis uiuificasti me.

Vita in legis custodia.

Ezech. 10.

Quis enim nisi vitae oblitus, ac se viuere non sentiens, eorum obliuiscatur, per quae uiuit? Ergo in aeternum non obliuiscar iustificationes tuas, quia in ipsis uiuificasti me. Si enim vera vita animae meae ipse es, per ea uiuo, per quae tibi adhæreo: adhæreo autem per obseruationem uoluntatis tuae, & legis tuae. Nec sine causa in throno illo, quem uidit Ezechiel, quo tu ferebaris, id est, in anima, quae te glorificat, & portat, rotæ erant, quae uolubiles appellatae sunt, quocumque ducis, te facile sequentes. In his autem, inquit Propheta, quia spiritus vitae erat in rotis. Ecce lex tua, qua currimus, qua te portamus, ipsa nos uiuificat: quia spiritus vitae, id est, Spiritui ipse tuus, in rotis est. Fac nos Domine rotas tuas: fac facile uolubiles, & currentes. Pone spiritum vitae in nobis, ut faciamus semper uoluntatem tuam: tuo Spiritu

ritu viuificemur, & vegetemur, quia in  
 ipsis placitis tuis viuimus, & conforta-  
 mur.

94 Tuus sum ego, saluum me fac, quo-  
 niam iustificationes tuas exqui-  
 siui.

**N**on immerito peto à te saluari, quia  
 tuus iam sum. Cum meus esse volui,  
 male me perdidisti: nunc tuus sum, saluum  
 me fac. Tuus creatione, quia me plasmasti:  
 & dignum est, vt opifex opus suum custo-  
 diat. Tuus emptione, qui tam caro pretio,  
 sanguine videlicet diuino emisti me: & iu-  
 stum est, vt emptor rem suam seruet. Tuus  
 conseruatione, & assidua reparatione: &  
 congruum est, vt saluum facias, quem assi-  
 dua quadam quasi productione conseruas,  
 inspirans in faciem meam spiraculum vi-  
 tae. Tuus sum proposito, & electione, quia  
 me tibi totum tradidi: & consentaneum  
 est, vt, quod suscepisti, salues: quod apud te  
 totum deposui, custodias. Ceterum facilis  
 vox, & communis videtur, Tuus sum: sed  
 paucorum est. Satis rarus est, qui tibi dice-  
 re possit, Tuus sum. Ille enim dicit, qui ad-  
 haeret tibi totis sensibus, qui aliud cogita-  
 re non nouit. Fac ergo Domine, vt vere  
 tuus sim, libera me ab alijs Dominis, libe-  
 ra à me ipso, vt dicere valeam, Tuus sum.  
 Veniunt enim omnia vitia, & dicunt,  
 meus

Dei sum  
 multis  
 nomini-  
 bus.

Tuus sū,  
 vox pau-  
 corum.

Ambros.